

Vne autre fois fa femme luy portant vn coufteau dans la cuiffe, luy efquiant le coup, il n'y euft que fa robe offenfée, à laquelle cette Megere fit vne grande eftafilade; là deffus il nous vint trouuer, rencontrant des Sauvages en chemin il fe mettoit à rire: Voila difoit-il, la cholere de celle qui me tient pour fon valet, elle penfoit me pouuoir fafcher, mais i'ay plus de pouuoir fur moy que d'entrer en fureur pour la cholere d'vne femme; & regardant fa robe toute defchirée: En verité, difoit-il, cette femme n'a point d'efprit, c'eft chofe eſtrange comme les Sauvages font ennemis de la cholere, & comme ce peché les choque.

Ie ne ſçay ce que ce bon-homme n'a point fait pour la gagner à Dieu: ſi tu veux croire, luy difoit-il, ie t'aymeray vniquement, ie te feruiray à tous tes befoins, ie feray meſme les petits offices que [59] font les femmes, i'iray querir de l'eau & du bois, ie te cheriray plus que moy-meſme; il fe pinçoit le bras, & luy difoit: Vois-tu cette chair, ie ne l'aime pas, c'eft Dieu que i'aime, & ceux qui croyent en luy; ſi tu ne luy veux pas obeïr, il te faut éloigner de moy, car ie ne puis aimer ceux qui n'aiment pas Dieu.

Sa femme ſe mocquoit de luy, Ne vois-tu pas que nous mourons tous depuis qu'on nous a parlé de prier Dieu; où font tes parens, où font les miens, la pluſpart font morts, il n'eſt plus temps de croire.

Tu n'as pas d'efprit, luy repartoit-il, celuy qui nous a donné la vie, & qui nous la conferue lors que nous ne croyons pas en luy, nous l'oſtera-t'il maintenant que nous voulons luy obeïr? & quand il nous l'oſteroit ie ne laifferois pas de l'aimer; car ie ne l'aime pas pour viure long-temps ça bas en terre, mais pour le voir au ciel: ſi tu ne veux croire en luy,